



Broj: 02-04-2015/22-AP-3  
Datum: 19.07.2022. godine

GRADSKO VIJEĆE ZAVIDOVIĆI  
n/r PREDSEDAVAJUĆOJ GRADSKOG VIJEĆA  
mr. iur. Erna Merdić Smailhodžić

PREDMET: Odgovori na vijećnička pitanja sa 3. sjednice Gradskog  
vijeća Zavidovići održane 30.06.2022. godine, dostavljaju se

Povodom vijećničkih pitanja postavljenih na 3. sjednice Općinskog vijeća Zavidovići  
održanoj 30.06.2022. godine, dostavljamo odgovore na iste kako slijedi:

#### 1. VIJEĆNIČKA PITANJA VIJEĆNIKA SAMIRA SKEJIĆ

1. Vijećnik Samir Skejić: Zamolio bih za potpun i blagovremen odgovor na pitanje vezano za ulaganja u podružnicu Perovići u periodu 2020. do 2022. godine s preciznim podacima o ulaganju u prometnu i putnu infrastrukturu te ulaganja u pojedinačna domaćinstva po osnovi obeštećenja za materijalnu štetu na objektima stanovanja kojima je šteta novčano kompenzovana. Molim da se kao prilog izvještaju dostave sve informacije o razlozima ulaganja, iznosu koji je isplaćen, prirodi i vrsti doniranih sredstava, lokaciji na kojoj su sredstva utrošena; imenu i prezimenu uživaoca doniranih sredstava, izvještaju nadležne inspekcije koja je indicirala potrebu ulaganja, tačnom datumu kad je ostvarena novčana transakcija/donacija.

Odgovor na treće vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-04-2059/22-AP-2 od 22.07.2022. godine): U periodu od 2020. godine do 2021. godine nije bilo ulaganja u prometnu i putnu infrastrukturu podružnice Perovići. U 2022. godini zaključen je Ugovor za sanaciju puta Hajderovići - Perovići, a u okviru izvođenja radova redovnog održavanja lokalnih puteva. Realizacija istog se očekuje u narednom vremenskom periodu.

2. Vijećnik Samir Skejić: Naredno pitanje je izvan prethodnog kontesta i upućeno je Načelniku i predsjedniku mjesne zajednice Kovači. Naime, na obilježavanju važnijih datuma na nivou Grada među zvanicama i polagačima cvijeća redovno se pojavljuje predsjednik pomenute mjesne zajednice. Zašto su izostavljeni predsjednici drugih mjesnih zajednica i je li ovo neka vrsta nedozvoljenog favorizovanja političkih istomišljenika?

Odgovor izrišito zahtijevam u pisanoj formi i blagovremenom roku.

Odgovor na četvrto vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-19/22-AP-955 od

26.07.2022. godine): Odlukom Općinskog vijeća Zavidovići utvrđeni su značajni datumi, te se u svrhu obilježavanja i organizacije istih imenuje Organizacioni odbor, koji u saradnji sa Komisijom za pitanje boraca i tekovina odbrambeno-oslobodilačkog rata organizuje obilježavanje, poziva predstavnike mjesnih zajednica i sva ostala zainteresovana lica na obilježavanje istih.

Na obilježavanje značajnog datuma svaka mjesna zajednica i drugo zainteresovano lice dužno je da najavi prisustvo svoje delegacije sa polaganjem cvijeća.

Svaka delegacija koja prijavi svoje prisustvo se i najavi prilikom obilježavanja, te se ne može desiti da se ospori prisustvo neke mjesne zajednice ili delegacije, koja je prijavila da će prisustvovati polaganju cvijeća.

Obzirom da ispred organizacije obilježavanja značajnih datuma stoji Grad Zavidovići, Komisija gradskog vijeća, branilačke organizacije i udruženja obilježavanje značajnih datuma ne može biti promocija bilo koje mjesne zajednice, niti bilo koje političke partije.

Ukoliko neka mjesna zajednica ne prijavi svoje prisustvo na obilježavanju značajnog datuma ne može biti ni najavljena za polaganje cvijeća, ali se i dalje može aktivno uključiti i prisustvovati polaganju cvijeća kao i sva zainteresovana lica nakon što to učine predstavnici koji su najavili svoje prisustvo.

3. Vijećnik Samir Skejić: Molim nadležnu službu Grada da mi dostave blagovremen odgovor na sljedeće pitanje:

U kakvom je stanju stambena infrastruktura društvenih domova u svim mjesnim zajednicama grada i po kojoj listi prioriteta i kojem vremenskom roku će se planirati infrastrukturno obnavljanje navedenih objekata. koji je nivo funkcionalne osposobljenosti i upotrebljivosti društvenih domova koji su u stanju najlošije tehničke opremljenosti. Ujedno, molim da se dostavi finansijski predračun za ovakav projekat ukoliko se pristupi obnavljanju društvenih objekata u mjesnim zajednicama.

Odgovor izričito zahtijevam u pisanoj formi i blagovremenom roku.

Odgovor na peto vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-219 od 22.07.2022. godine): S obzirom na kompleksnost postavljenog pitanja vijećnika Samira Skejića, koji iziskuje niz konsultacija za pripremu adekvatnog odgovora, te iziskuje saradnju sa drugim Službama Gradske uprave Zavidovići, kao i mjesnim zajednicama, obavještavamo Vas da nismo u mogućnosti pripremiti odgovor za julsku sjednicu Gradskog vijeća Zavidovići. Služba će poduzeti potrebne aktivnosti na prikupljanju relevantnih podataka radi pripreme odgovora na predmetno vijećničko pitanje, koji će biti dostavljen na nekoj od narednih sjednica Gradskog vijeća Zavidovići.

## 2. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Da li je i kada je u planu postavka turističke signalizacije na regionalnom putu R465 Zavidovići-Maglaj sa oznakom za skretanje prema nacionalnom spomeniku Stara Rujnička džamija?

Obrazloženje:

U pitanjima upućenim prema Kantonalnoj direkciji za ceste tražio sam informaciju kada će se izvršiti postavka turističke table za nacionalni spomenik Stara Rujnička džamija i u odgovoru su dostavili informaciju da je nadležnost postavke turističke signalizacije u ovlastima lokalne samouprave.

S toga je potrebno dostaviti informaciju kada je moguće očekivati postavku ove table obzirom da je Kantonalna direkcija za ceste već izvršili postavku saobraćajne signalizacije i oznaku za skretanje prema mjesnoj zajednici Rujnica a na kojem bi se mogla izvršiti i postavka turističke table.

Od nadležnih zahtijevam jasne odgovore u pisanoj formi.  
Vijećničko pitanje upućuje se nadležnoj gradskoj službi.

S poštovanjem,

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-04-2059/22-AP-2 od 22.07.2022. godine): Postavljenje turističke table skretanje za nacionalni spomenik „Stara Rujnička džamija“, planirano je u okviru redovnog održavanja lokalnih cesta na području grada Zavidovići, a realizacija istog do kraja budžetske godine.

2. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim da mi se dostave svi dosadašnji izvještaji Komisije za nadzor nad provođenju Projekta zbrinjavanja napuštenih pasa i pasa lotalica u urbanim sredinama općine Zavidovići?

Direktno pitanje:

Zahtijevam da se dostave imena članova Komisije za nadzor nad provođenju Projekta zbrinjavanja napuštenih pasa i pasa lotalica u urbanim sredinama općine Zavidovići kao i svi dosadašnji izvještaji ove komisije.

Od nadležnih zahtijevam jasne odgovore u pisanoj formi.  
Vijećničko pitanje upućuje se nadležnoj gradskoj službi.

S poštovanjem,

Odgovor na četvrto vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-24-729/22 od 22.07.2022. godine): Članovi komisije za nadzor prema rješenju o formiranju komisije vezano za azil su Pašić Adisa, Hadžić Ibro i Huskić Elvedin. U prilogu vam dostavljamo rješenje o imenovanju komisije broj: 02-14-1770/21-AP-2 od 23.09.2021 godine, zapisnik o uviđaju od 08.10.2021 godine, finansijski izvještaj od 19.11.2021 godine, zapisnik o uviđaju od 22.12.2021 godine, finansijski izvještaj od 23.12.2021 godine, finansijski izvještaj od 30.12.2021 godine, rješenje o imenovanju komisije broj: 02-11-142/22 od 10.06.2022 godine, zapisnik o izvršenom uviđaju od 13.06.2022 godine, finansijski izvještaj od 14.06.2022 godine i finansijski izvještaj od 14.07.2022 godine.

### 3. VIJEĆNIČKO PITANJE VIJEĆNIKA HAKIJE BOŠNJAKOVIĆ

Vijećnik Hakija Bošnjaković: Uvaženo Predsjedništvo, kolegice i kolege vijećnici, Gradonačelnice sa saradnicima, prisutni gosti Esselamu alejkum i dobar dan. Ja bih ovaj put imao jedno kraće vijećničko pitanje.

Zanima me da li se išta planira na realizaciji sanacije puta Bajvati-Mahoje?

Obrazloženje:

U u na nekoliko mjesta navedeni put je onaj oštećen i ugrožava sigurnost učesnika u saobraćaju i zanima me da li je planirano i u kom periodu sanacija tog puta? Hvala.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-04-2059/22-AP-2 od 22.07.2022. godine): Na lokalnom putu Bajvati - Mahoje nalaze se mnogobrojna oštećenja čiji je uzrok uglavnom pojava klizišta.

Pošto su za navedene radove potrebna znatna finansijska sredstva, ista moraju biti planirana u Budžetu Grada.

S obzirom da su za održavanje lokalnih puteva Budžetom planirana nedovoljna finansijska sredstva, izvršit će se nužni radovi redovnog održavanja pomenutog puta, a u okviru održavanja lokalnih puteva na području Grada Zavidovića

#### 4. DOPUNSKO VIJEĆNIČKO PITANJE VIJEĆNIKA HAKIJE OSMIĆ

Vijećnik Hakija Osmić: Nisam zadovoljan odgovorima ni na jedno ni na drugo pitanje, a radi se o sanaciji propusta u mjesnoj zajednici „Brezik“ prema naseljenim mjestima Lug, Memići ,Lučica gdje gdje vrijednost projekta je par hiljada maraka gdje su obezbijedene cijevi prije par godina i od strane mještana jednim dijelom ovaj tako da je to ovaj veoma mala vrijednost projekta. Tamo se navodi da je za nekategorisanje puteve za cijelu godinu planirano 20.000 maraka i ukoliko bude mogućnosti izvršiće se sanacija istih. Međutim, tu je zaista ugroženo, posebno kod dva propusta gdje vise u zraku u vazduhu ovaj ugrožena bezbjednost korisnika tog nekategorisanog puta u mjesnoj zajednici „Brezik“ prema naseljenom mjestu Lučica.

Kad je u pitanju ovaj sanacija otvorenog kanala u naselju Majdan drugo pitanje sa prošle sjednice Gradskog vijeća, takođe nisam zadovoljan isti je nekako odgovor kao i ovo prethodno što sam rekao. Isto takođe je vrijednost projekta od možda nekih desetak hiljada maraka ovaj, ali je otvorena kanalizacija u naseljenom mjestu gdje je ugroženo zdravlje djece i svih mještana tog dijela Majdana. Hvala.

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-04-2059/22-AP-2 od 22.07.2022. godine): Odgovor na prvo dopunsko pitanje vijećnika Hakije Osmić: Stručna lica nadležne Gradske službe će izvršiti obilazak i snimanje pomenute lokacije, uzeti podatke za izradu predmjera i predračuna, ocijeniti priorititetnost, te sanirati najugroženiji dio tog nekategorisanog puta.

Odgovor na drugo dopunsko pitanje vijećnika Hakije Osmić: Stručna lica nadležne Gradske službe su izvršili obilazak pomenute lokacije, uzeli podatke za izradu predmjera i predračuna, te ćemo u skladu sa raspoloživim sredstvima poduzeti potrebne aktivnosti.

#### 5. DOPUNSKO VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Pozdravljam građane koji nas prate putem sredstava javnog informisanja, sve prisutne u sali. Opredijelio sam se da reagujem i dam negativno očitovanje ovom dostavljenom sadržaju, nazovimo odgovor na moje vijećničko pitanje, iskoristim moju poslovničku mogućnost postavljanja dopunskog pitanja. Iz sadržine može se zaključiti da se o svemu radi samo ne o konkretnom i jasnom odgovoru na postavljeno predmetno pitanje. Potkrepljujem ovu tvrdnju sljedećim ukratko: pitanje se odnosilo zašto nije realizovan Zaključak Opštinskog vijeća donesen prije četiri godine za izradu Plana i utvrđivanja identifikacije lociranja oglasnih informativnih mjesta na području grada i cijelom području opštine. Dozvolte samo da kratko pročitam odgovor po navedenom Zaključku. Nadležna Služba za upravu poljoprivrede, vodoprivrede i komunalnih poslova, od Službe za upravu

geodetskih, imovinskopравnih poslova i urbanizam nije tražila provođenje aktivnosti. Nije tražila provođenje aktivnosti nad identifikacijom određivanju lokacija za izgradnju oglasnih mjesta informativnih mjesta, te iz navedenog razloga smatramo da odgovor na postavljeno pitanje može kvalitetnije pripremiti pomenuta služba. Služba naravno nije pripremilsa i dostavila bilo šta. Odgovora nema, i nadalje kaže nastavak sadržine odgovora prednje je iz razloga što ispostavljenih pitanja proizilazi da je za realizaciju predmetnog Zaključka više puta odgovarano da je u toku postupak realizacije al ne od strane Službe. Brzo završavam. Iz pročitanoг konstatujem da ovo nije nikakav odgovor, možete se uvjeriti, a da ima nešto pozitivno u ovoj dostavljenoj sadržini i u ovom kvazi odgovoru to je da smo dobili informaciju koju prenosimo sad svima, pa i građanima i javnosti da Zaključak inicijative neće biti realizovan nikada za četiri godine kad nije već. Bez obzira kakve mi statusе ovde imali, certifikate, revizije hvale, moje mišljenje da imamo neefikasnu, neažurnu i nezainteresovanu gradsku upravu koja nema empatije prema potrebama građana, da je odavno odnos između Gradskog vijeća i izvršne lokalne vlasti nezadovoljavajući, što je vidljivo. I dopunsko pitanje direktno za Načelnika Gradonačelnika, izvinjavam se koji je po svojim povlastima nadređen ovim izvršiocima: Da li ste upoznati sa nepostupanjem po Zaključku 4 godine? Koje su njegove reakcije, prijedlog poduzetih konkretnih aktivnosti i naprijed i na ovakve slučajeve i postoji li ovdje ikakva odgovornost za ovakve propuset? Jer ovdje je evidentan nesavjestan rad u službi i nepostupanje, činjenje po obavezujućim aktima viših nadređenih instanci, odnosno ovog organa.

Odgovor na dopunsko vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, broj: 06-45-8/21-AP-362 od 27.07.2022. godine): Shodno Odluci o postavljanju firmi i reklama na građevinama i fasadama i uređenju fasada na području općine Zavidovići („Službeni glasnik Općine Zavidovići“, broj: 3/2009 - prečišćen tekst i 11/139) definisano je da:

Plakati i druge objave ističu se samo na određenim oglasnim površinama, oglasnim pločama, stubovima i oglasnim vitrinama.

Izuzetno, za određene manifestacije može se odobriti isticanje plakata i na drugim mjestima.

Odobrenje nije potrebno za postavljanje prigodnih natpisa u izlogu povodom državnih praznika.

Oglašavanje putem transparenata na javnom mjestu može se vršiti samo povodom državnih praznika, općinskih praznika, vjerskih praznika i održavanja značajnih manifestacija, kulturnog, privrednog, političkog i sportskog karaktera.

Općinska služba za upravu nadležna za komunalne poslove svojim će rješenjem utvrditi lokacije, odnosno mjesta za postavljanje transparenata.

Prije donošenja rješenja iz prethodnog stava, služba će zatražiti mišljenje službe za upravu nadležne za poslove urbanizma.

Smrtovnice se postavljaju bez odobrenja nadležnog organa.

One se postavljaju u blizini pogrebnog društva, groblja, vjerskih ustanova, u naselju gdje je umrli stanovao i na radnim prostorijama gdje je umrli bio zaposlen, kao i na namjenski određenim prostorima na zgradama.

Iz gore navedene Odluke da se zaključiti da za lokacije za postavljanje informacionih oglasnih mjesta je nadležna Služba za komunalne poslove koja će svojim rješenjem utvrditi lokacije, odnosno mjesta, a ova služba daje mišljene za svako predloženo mjesto od strane Služba za komunalne poslove nadležne za određivanje lokacija.

Shodno navedenom ova služba može predložiti nadležnoj službi mjesta odnosno lokacije za postavljanje informacionih oglasnih vitrina - mjesta slijedećim redom:

## I - LOKACIJE IZVAN URBANOG PODRUČJA GRADA ZAVIDOVIĆI

1. LOKACIJA naseljenih mjesta Mjesnih zajednica (mjesni uredi i poznata autobusna stajališta)

## II - LOKACIJE U URBANOM PODRUČJU GRADA ZAVIDOVIĆI

1. LOKACIJA: Ulica Alije Izetbegovića (na raskrsnici kod semafora = tri mjesta)
2. LOKACIJA: na raskrsnici Ulica „Alije Izetbegovića“ sa „Prvomajskom“ = jedno mjesto)
3. LOKACIJA: na raskrsnici Ulica „Mehmed-paše Sokolovića“ sa „Safvet-bega Bašagića“ = jedno mjesto)
4. LOKACIJA: na raskrsnici Ulica „Mehmed-paše Sokolovića“ sa „Safvet-bega Bašagića“ = jedno mjesto)
5. LOKACIJA: na raskrsnici Ulica „dr.Pinkasa Bandta“ sa „Radničkom“ = jedno mjesto)
6. LOKACIJA: na raskrsnici Ulica „Maršala Tita“ sa „Hasana Kjafiće Pručaka“ = jedno mjesto)
7. LOKACIJA: na raskrsnici Ulica „Podubravlje“ sa „Sarajevskom“ = jedno mjesto)
8. LOKACIJA: na raskrsnici Ulica „Zlatnih ljljana“ sa „Potklečki put“ = jedno mjesto)
9. LOKACIJA: na raskrsnici Ulica „Oslobodilaca Gostovića“ sa „Enesa Kalabića“ = jedno mjesto)
10. LOKACIJA: na raskrsnici Ulica „Mehmed-paše Sokolovića“ sa „Gazi Husrevbegovoj“ = jedno mjesto)

- Veličina oglasne površine: 80cm x 60cm.

- Najmanja visina od terena do donje ivice oglasne površine: 1,60 cm.

- Konstruktivni sistem i oglasnu površinu izvesti prema elaboratu konstruktivne stabilnosti informacione table koju prije odobrenja za postavljanje izrađuje korisnik lokacije.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: \_\_\_\_\_  
(Nermin Čahtarević)